

78 N 13 E937 X 3013 711

Vam cupietem pro me pietas induerunt  
ardor  
Stagnans & strobili curat calorem mei  
Molipaque, que trahit salis in summi guttula  
venis



AD. ILLVSTREM. EXCELLENTISSIMVM. ATOVEA  
CONSVLTISSIMVM. VIRVM.  
DOMINVM.

D. IOANNEM. BURCHARDVM.  
MENCKENIVM.

HEREDITARIVM. IN GOERNITZ

AVGVSTISS. POLON. REGI. ET. ELECT. SAXON.  
A. CONSILII. AVLE. ET. IVSTITIÆ. HISTORIOGRAPH. REGIVM  
ET. HISTORIARVM. PROF. PVBL. MAL. PRINC. COLL. COLLEG. SOC.  
REGIÆ. BRITANNICÆ. SOCIVM. ET. PHILOSOPHORVM  
LIPSIENSIVM. NVNC. BRABEVTA

CVM. FILIVM. SVVM. NATV. MAXIMVM.

FRIDERICVM. OTTONEM  
VIRVM. IVVENEM. ORNATISSIMVM

IN. PANEGYRI. SOLENNI

ITERVM. CREARET.  
VOTIVM. CARMIN.

CHRISTOPHORI. LVDOVICI. CRELLII.

IVR. VTR. ET. PHILOS. DOCT. ET. PROF. PVBL. E. O.

LIPSIAE. D. XV. FEBR. MDCCXXV.



Kapsel 78 N 13 [93]

AK



Vam cuperem pro me pietas loqueretur, &  
ardor

Sanguinis, & studii cura calorque mei;  
Multaque, quæ frustra salit his mihi guttula  
venis

Officium linguæ possit obire meæ.

Forfitan illa suo fuerit magis enthea vate,  
Atque magis numeris sit numerosa meis;  
Forte ita sufficerent studiosæ carmina menti,  
Atque aliqua fuerim sic tibi parte pius.  
Nec fuerint tamen illa satis mihi, nec mea possint  
Officia & studium significare meum.  
Scilicet ut paucis complectar multa, salutis  
Prima Tua est nostræ portio visque salus.  
Atque Tua in primis vita & bonitate valemus,  
Deque animis capimus vimque animosque tuos.  
Sed Tua nunc major vita est, sacrisque medullis  
Ex decore est nati multiplicata tui.  
Bisque adeo nobis ac orbi vivis: & una  
Vita Tua & nati est altera vita tui.  
Ut solet in virides quæ pullulat ardua ramos  
Arbor, in emissâ vivere prole magis.  
Nunc ego qui dudum per Te defensus inermis  
Nempe patrocinii tegmine vivo tui;  
Quid dubitem tanta porro residere sub umbra,  
Cum tua sit ramis amplior umbra tuis.  
At mea nunc torpet pietas mihi, nec bona verba  
Novit, & ingenio dissona tota suo est,  
Et frustra numeros frustra que invita fatigat  
Carmina, & invita per strepit ægra lyra.  
O quoties laudesque tuas iterare canendo  
Optavi & versu dicere posse meo.  
Nunc stupuit mihi mens; & quæ sperata petuntur  
Esse solent votis cuncta minora meis.  
O quoties, pro me quando suspiria duxi  
Pars aliqua & pro Te ducta tuisque fuit.  
Hæc tacitus feci mecum. nunc provida poscit  
Officii pietas publica signa mei.



Quid faciam? gratas poscunt in munera vires  
Tam mea tam gentis debita multa mea.  
Svadet enim mihi sanctus amor, mentemque fatigat.  
At potius nostris viribus illud erat.  
Nec modulis poteram merita ex æquare canendo;  
Est numerus numeris amplior ille meis.  
Sed superis quoque parva placent; & paucula verba,  
Officiique tenet vel voluisse locum.  
Quidve Tibi dubitem superum quoque dona probari?  
Est similis, pressos qui tegit, ipse Diis.  
Vix oculos movi primum, duxique labella  
Et poteras jam dum cognitus esse pater.  
Sape parens gremio puerum me fovit, & ulnis  
Innectens in Te iussit habere patrem.  
Deque tuo multum cupidus, narravit amore  
Deque fuit meritis fabula prima tuis.  
Et junctum socio cecinit Damona: sed hujus  
MENCKENIVM exemplum dixit amoris habe.  
MENCKENIQQVE lares patula mihi saepe fenestra  
Obtulit: Hæc requies, hæc mea cura domus  
Hæc tibi forte, puer, trepidaque sit anchora dixit  
Suffugiumque tuæ consiliumque rati.  
Vera dedit pater auguria, & cognovimus omen  
Deque tua cœpit nostra salute salus.  
Vix numeri crepueremei, vix horridus oris  
Emissus primum est me trepidante sonus.  
Et tua me texit bonitas capiti que corollam  
Imposuit, primæ gaudia prima lyrae.  
Teque probante lyram, teque arbitrante canebam  
Asper & ingenio credulus ipse meo.  
Sic numeros modulosque meos mea maxima dona  
Et nomen Vatis debeo nempe Tibi.  
Mox quoque cum rapidis ætas adolesceret annis  
Et Tuus in juvenem sic adolevit amor.  
Si favet Augustus, nec enim monumenta favoris  
Supprimo, Te nobis conciliante favet.  
Nec starem loquererque mea, qua sisto cathedra  
Ni dederint per Te mitia fata viam.

Sæpe etiam, quoties media de nocte feditam,  
Et Tua conspecta est nocte lucerna vigil,  
Det tanto nobis ignem succendimus igne,  
Atque fuit stimulus tunc memisse Tui.  
Denique quod nostræ est nomen, quæ gratia Musa  
Quid valeat contra tot mea cura malos?  
Angimur, opprimimur, male conculcamur & olim  
In multas cadimus parvula præda munus;  
Sed Tua nos servat bonitas soloque favore  
Nominis invidiam diluo nempe Tui.  
Sic solet, atroci est quo tempestate receptus,  
Et nosse & tumulo nauta notare locum.  
Talia debebam memori comprehendere versu,  
Et merita & laudes commemorare Tuas,  
Et nati ingenium & rarum virtutis honorem  
Totque voluptatis nuncia fata Tua.  
At mea quid tantas obscurant carmina laudes,  
Quid famam numeris dimidientque meis.  
Est natus laus ipse sibi, meritisque paternis  
Conspicuus, laudes nunc habet ipse suas.  
Sed bona fata tamen mente anticipante precabor  
Et fortunatos esse jubebo dies.  
Ter generas natum. Primo sacra patris imago  
Ingenium & virtus sanguine parta Tuo.  
Sic ridet, sic labram movet, sic lumina gestat  
Sic solet erectum Te ducere ferre pedem.  
Mox etiam dotes finxisti ac arte paterna  
Et monitis factus consiliisque pater.  
Nunc adeo titulis dignoque creabis honore,  
Ut sciat omne suum muneris esse Tui.  
DI dederint quartum generes, & munere mædo  
Des quoque in excelso posse sedere loco,  
Quæque mihi patrio dispensas largus amore  
In natum jubeant cuncta redire Tuum.



78 N 13 E937 X 3013 711

Vam cupietem pro me pietas inducetur &  
ardor  
Stagninis & thobii curae calorem mei  
Melancolicus, que trahit talis his mihi curis  
venis



Officium linguae pollic obis  
Fortissimè illis fuerit mass catholice  
LUSTREM. EXCELLENTISSIMUM. ATOVEA  
CONSULTISSIMUM. VIRVM  
DOMINUM.  
ANNEM. BURCHARDVM.  
MENCKENIVM.  
HEREDITARIVM. IN GOERNITZ  
SS. POLON. REGL. ET. ELECT. SAXON.  
AVLÆ ET. IVSTITIÆ. HISTORIOGRAPH. REGIVM  
ARVM. PROF. PVBL. MAI. PRINC. COLL. COLLEG. SOC.  
E. BRITANNICÆ. SOCIVM. ET. PHILOSOPHORVM  
LIPSIENSIVM. NVNC. BRABVTAM  
FILIVM. SVVM. NATV. MAXIMVM.  
DERICVM. OTTONEM  
IVVENEM. ORNATISSIMVM  
IN. PANEGYRI. SOLENNI  
ITERVM. CREARET.  
VOTIVM. CARMIN.  
CHRISTOPHORI. LVDOVICI. CRELLII.  
VTR. ET. PHILOS. DOCT. ET. PROF. PVBL. E. O.

LIPSIÆ. D. XV. FEBR. MDCCXXV.



Kapsel 78 N 13 [93]

AK